

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 02-
Sarajevo,

Na osnovu člana 136. Zakona o visokom obrazovanju ("Službene novine Kantona Sarajevo", broj: 33/17), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine) i prijedloga prodekana za nastavu Elektrotehničkog fakulteta u Sarajevu od 09.09.2020. godine, dekan Elektrotehničkog fakulteta u Sarajevu, donosi

ODLUKU

o načinu organizacije drugog termina septembarskog ispitnog roka
u studijskoj 2019/2020. godini

1. Uzimajući u obzir da je tokom realizacije dosadašnjih ispitnih rokova koji su se izvodili u online režimu, uprkos razumnim mjerama kontrole i sprječavanja uočena izrazito velika količina raznih oblika prevara na ispitima koje dovode u sumnju regularnost ostvarenih rezultata, posebno na nižim godinama studija, svi ispiti na prvoj godini prvog ciklusa studija koji se rade pismenim putem izvodiće se bez izuzetaka uživo u prostorijama Elektrotehničkog fakulteta u Sarajevu, vodeći računa o maksimalnom dozvoljenom broju ljudi u prostorijama i ostalim neophodnim epidemiološkim mjerama.
2. Ispiti na drugoj godini prvog ciklusa studija koji se rade pismenim putem također će se izvoditi uživo u prostorijama Elektrotehničkog fakulteta u Sarajevu poput ispita s prve godine prvog ciklusa studija, osim ukoliko predmetni nastavnik na predmetnu ne izrazi želju da se ispit održi online putem. U tom slučaju, predmetni nastavnik je dužan o tome obavijestiti prodekana za nastavu najkasnije do utorka, 15. 09. 2020. godine, radi blagovremenog uzimanja u obzir te činjenice prilikom pravljenja rasporeda polaganja ispita po salama.
3. Svi ispiti na trećoj godini prvog ciklusa studija, kao i svi ispiti na prvoj i drugoj godini drugog ciklusa studija, izvodiće se online putem, osim ukoliko predmetni nastavnik na predmetnu ne izrazi želju da se dijelovi ispita koji se rade pismenim putem održe uživo u prostorijama Elektrotehničkog fakulteta u Sarajevu (vodeći računa o maksimalnom dozvoljenom broju ljudi u prostorijama i ostalim neophodnim epidemiološkim mjerama.) U tom slučaju, predmetni nastavnik je dužan o tome obavijestiti prodekana za nastavu do 15. 09. 2020. godine, radi blagovremenog uzimanja u obzir te činjenice prilikom pravljenja rasporeda polaganja ispita po salama.
4. Studenti koji rade ispit uživo u prostorijama Elektrotehničkog fakulteta u Sarajevu, prilikom pristupanja prostorijama potpisuju izjave o zdravstvenom stanju (u pogledu simptoma na COVID-19), te su dužni nositi zaštitne maske tokom cijelog trajanja ispita, u suprotnom će biti odstranjeni s istog. Dežurači na ispitima također nose zaštitne maske tokom cijelog trajanja ispita. Na ulazu u prostoriju u kojoj se radi ispit, svakom studentu će prije početka rada biti izmjerena tjelesna temperatura. Za mjerenje temperature biće zaduženi dežurači na ispitima.
5. Usmeni dijelovi svih ispita na svim godinama oba ciklusa studija izvodiće se i dalje online putem.

6. Ukoliko neki od studenata iz vrlo opravdanih razloga ne može pristupiti ispitu uživo (bolest, simptomi COVID-19, izolacija i slično), dužan je o tome podnijeti pisane i ovjerene dokaze. Ukoliko su u pitanju nemedicinski razlozi, student je dužan napisati potpisanu izjavu o razlozima nemogućnosti dolaska i ovjeriti je u nadležnim institucijama. U takvim slučajevima, studentu se mora omogućiti online polaganje ispita, u istom terminu kada se isti ispit radi uživo u prostorijama Elektrotehničkog fakulteta u Sarajevu.
7. Za sve ispite koji će se raditi uživo u prostorijama Elektrotehničkog fakulteta u Sarajevu, predmetni nastavnici su dužni do 15. 09. 2020. godine dostaviti prodekanu za nastavu procjenu o očekivanom broju studenata koji će pristupiti ispitu (na osnovu broja studenata koji nisu položili ispit i iskustvene procjene predmetnog nastavnika o procentu izlaznosti na ispitne rokove). Ovi podaci su neophodni radi blagovremenog planiranja broja sala i dežurača.
8. Za sve ispite koji će se raditi online putem, u cilju minimiziranja eventualnih zloupotreba prilikom online režima polaganja ispita, te u cilju utvrđivanja autentičnosti i vjerodostojnosti urađenog ispita, predmetni nastavnici mogu izvršiti upoređivanje rukopisa skeniranih materijala koje studenti predaju sa rukopisom iz zadaćnica sa prethodnih ispitnih rokova koji su održani u učionici.
9. U slučaju postojanja osnovane sumnje u regularnost polaganja online ispita, predmetni nastavnik može sa asistentom ili drugim nastavnikom na tom predmetu organizirati dodatni online razgovor sa ciljem provjere urađenog rada. Online razgovor se realizira u prisustvu predmetnog nastavnika, te jednog svjedoka, koji može biti predmetni saradnik, drugi predmetni nastavnik, ili drugi student. U slučaju da se utvrdi nepoznavanje ispitne materije koju je student ranije uradio i dostavio predmetnom nastavniku, predmetni nastavnik ima pravo da ne prizna urađeni rad. Na predmetima na kojima je broj studenata relativno mali, ovaj oblik aktivnosti može se obaviti sa svim studentima.
10. Predmetni nastavnici su dužni da jasno i nedvosmisleno postavljaju na internet stranice nastavnih predmeta informaciju o tome da li se ispit izvodi uživo ili online putem, da bi studenti koji žive izvan Kantona Sarajevo mogli blagovremeno planirati svoj dolazak i boravak. Također je potrebno postaviti upute o načinu organiziranja i bodovanja ispita u drugom terminu septembarskog ispitnog roka u studijskoj 2019/2020. godini u slučaju da postoje neka odstupanja od načina usvojenih na početku studijske godine (ovo uglavnom vrijedi za ispite koji će se izvoditi online putem). Rok za postavljanje svih ovih informacija je 16. 09. 2020. godine.
11. Stupanjem na snagu ove odluke prestaje se primjenjivati Odluka o načinu organizacije septembarskog ispitnog roka u studijskoj 2019/2020. godini (broj: 02-3796/20 od 26.08.2020. godine).

DEKAN

Prof. dr. Jasmin Velagić

Dostaviti:

1. Dekan
2. Prodekan za nastavu
3. Akademska osoblje
4. Internet stranica
5. a/a